

doosriver文川网
古籍书城
入驻商家
在文川网搜索古籍书城 获取更多电子书

道書集成

九洲圖書出版社

四經同卷

傷一

太上老君說常清靜妙經

太上玄靈斗姆大聖元君本命延生心經

太上玄靈北斗本命延生真經

太上玄靈北斗本命長生妙經

太上老君說常清靜妙經

老君曰大道無形生有天地大道無情運行日月大道無名長養萬物吾不知其名強名曰道夫道者有清有濁有動有靜天清地濁天動地靜男清女濁男動女靜降本流末而生萬物清者濁之源動者靜之基人能常清

靜天地悉皆歸夫人神好清而心擾之人心好靜而慾牽之常能違其欲而心自靜澄其

心而神自清自然六欲不生三毒消滅所以不能者為心未澄慾未遣也能遣之者內觀

於心心無其心外觀於形形無其形遠觀於

物物無其物三者既悟唯見於空觀空以空

空無所空所空既無無亦無無既無無湛

然常寂寂無所寂慾豈能生慾既不生即是

真靜真靜應物真常得性常應常靜常清靜

真靜真靜應物真常得性常應常靜常清靜

真靜真靜應物真常得性常應常靜常清靜

矣如此清靜漸入真道既入真道名為得道雖名得道實無所得為化眾生名為得道能悟之者可傳聖道

老君曰上士無爭下士好爭上德不德下德執德執著之者不名道德眾生所以不得真

道者為有妄心既有妄心即驚其神既驚其神即著萬物既著萬物即生貪求既生貪求

即是煩惱煩惱妄想憂苦身心便遭濁辱流浪生死常沉苦海永失真道真常之道悟者自得得悟道者常清靜矣

太上老君說常清靜妙經

仙人葛仙翁曰吾得真道曾誦此經萬遍此經是天人所習不傳下士吾昔受之於

東華帝君東華帝君受之於金闕帝君金闕帝君受之於西王母西王母皆口口相

傳不記文字吾今於世書而錄之上士悟

之升為天官中士得之南宮列仙下士修

之在世長年遊行三界昇入金門

左玄真人曰學道之士持誦此經者即得

十天善神擁護其人然後玉符保神金液

鍊形神俱妙與道合真

正一真人曰人家有此經悟解之者災障

不干眾聖護門神升上界朝拜高尊功滿

德就相感帝君誦持不退身騰紫雲

太上玄靈斗姆大聖元君本命延生心經
 老君曰斗姆上靈光圓大天寶月中有蒼樹
 色瑩瑠璃玉兔長生捧鍊大藥凡天地氣運
 休否日月星辰錯行兩暘晦明不時風寒暑
 濕不節亢旱水火疫癘凶災至如刀兵蟲蝗
 妖精鬼恠疾病傷生爭訟橫撓種種不祥恚
 皆乖氣所致斗姆降以大藥普垂醫治之功
 變理五行升降二炁解滯去室破暗除邪愆
 期者應期失度者得度安全胎育治療病痲
 潤益根莖陽回氣候生成人物鍊度鬼神散
 穰百結資補八陽輔正全真君和延祚潛施
 藥力職重天醫生諸天衆月之明為北斗衆
 星之母斗為之魄水為之精主生人身光凝
 性水衆水一月衆月一光有情無情均靈靈
 光道炁一一資其生養護衛恩深德重皆莫
 能知是以人心面有七竅內應乎心魄有七
 真受魄於斗斗母尊號曰九靈太妙白玉龜
 臺夜光金精祖母元君又曰中天梵炁斗母
 元君紫光明哲慈惠太素元后金真聖德天
 尊又化號大圓滿月光王又曰東華慈救皇

君天醫大聖應號不一主治中天寶閣粗劫
 在玄明真淨天修行玄靈妙道勤奉元始至
 尊慧氣氤氳智燈朗曜每發至願願生聖子
 補裨造化統制乾坤願力堅固終始如一因
 沐浴於九曲華池中湧出白玉龜臺神籙寶
 座斗母登于寶座之上怡養神真修鍊精魄
 冲然攝炁悉入玄玄運合靈風紫虛蔚勃果
 證玄靈妙道技無極微妙光明洞徹華池化
 生金蓮九苞經人間七晝夜其華池中光明
 愈熾愈盛其時一時上騰九華天中化成九
 所大寶樓閣寶樓閣之中混疑九真梵炁自
 然成章文曰魁魁魁魁魁魁魁魁前有天
 罡光敷秘宇文曰魁魁魁魁魁魁魁魁是九章生
 神應現九皇道體一曰天皇二曰紫微三曰
 倉狼四曰巨門五曰祿存六曰文昌七曰廉
 貞八曰武曲九曰破軍天皇紫微尊帝二星
 居斗口安羅上官真光大如車輪得見之者
 身得長生位證真仙永不輪轉二星分作餘
 暉為左輔右弼為擎羊陀羅神化無方總領
 玄黃正炁七元星君幹運陰陽造化功沾三

第一

界德潤群生其功德力不可思議夫修鍊九
 還七返大丹者持此頓悟玄關靈光現前三
 十九節自然生榮了證太玄三一之道知守
 本來具足之理堅固真身更能精修大定乃
 至形神俱妙與道合真飛昇玉京道遠自在
 至此則劫劫生生玄祖宗親皆得解脫同受
 玄恩濟度存亡此為深妙皈心持奉靜處瑛
 璣內景無漏於六根外景不淪於萬有湛然
 清靜道在目前頂禮真形恭敬

呪曰

玄靈即榮 永保長生 太玄三一 守其真形

五臟神君 各得安寧

魁魁魁魁魁魁魁魁魁魁急急如律令

太上玄靈斗姆大聖元君本命延生心經

docsriver 文川网
入驻商家 古籍书城

在文川网搜索古籍书城 获取更多电子书

太上玄靈北斗本命延生真經

爾時太上老君以永壽元年正月七日在泰清境上太極宮中觀見衆生億劫漂沉周迴生死或居人道生在中華或生夷狄之中或生蠻戎之內或富或貴或賤或貧暫假因緣墮於地獄為無定故罪業牽纏繫陰司受苦滿足人道將違生居畜獸之中或生禽蟲之屬轉乘人道難復人身如此沉淪不自知覺為先世迷真之故受此輪迴乃以哀憫之心分身教化化身下降至於蜀都地神湧出扶一玉局而作高座於是老君昇玉局坐授與天師北斗本命經訣廣宣要法普濟衆生是時老君告天師曰人身難得中土難生假使得生正法難遇多迷真道多人邪宗多種罪根多肆巧詐多恣淫殺多奸群情多縱貪嗔多沉地獄多失人身如此等緣衆生不悟不知正道迷惑者多我今哀見此等衆生故垂法教為說良緣令使知道知身性命皆過道生了悟此因長生人道種子不絕世世為人

生無道之鄉不斷人之根本更能心修正道漸入仙宗永離輪迴超昇成道我故示汝妙法令度天民歸真知命可以本命之日修齋設醮啓祝

壯斗三官五帝九府四司薦福消災奏章懇願虔誠獻禮種種香華時新五果隨世威儀清淨壇宇法天像地或於觀宇或在家庭隨力建功請行法事功德深重不可具陳念此大聖北斗七元真君名號當得罪業消除災衰洗滌福壽資命善果臻身凡有急難可以焚香誦經剋期安泰於是說大聖北斗解厄應驗曰

- 大聖北斗七元君能解三災厄
- 大聖北斗七元君能解四殺厄
- 大聖北斗七元君能解五行厄
- 大聖北斗七元君能解六害厄
- 大聖北斗七元君能解七傷厄
- 大聖北斗七元君能解八難厄
- 大聖北斗七元君能解九星厄
- 大聖北斗七元君能解夫妻厄

- 大聖北斗七元君能解男女厄
- 大聖北斗七元君能解產生厄
- 大聖北斗七元君能解復連厄
- 大聖北斗七元君能解痲瘋厄
- 大聖北斗七元君能解疾病厄

- 大聖北斗七元君能解精邪厄
- 大聖北斗七元君能解虎狼厄
- 大聖北斗七元君能解蟲蛇厄
- 大聖北斗七元君能解劫賊厄
- 大聖北斗七元君能解枷棒厄

- 大聖北斗七元君能解橫死厄
 - 大聖北斗七元君能解呪誓厄
 - 大聖北斗七元君能解天羅厄
 - 大聖北斗七元君能解地網厄
 - 大聖北斗七元君能解刀兵厄
 - 大聖北斗七元君能解水火厄
- 於是七元君 大聖善通靈 濟度諸厄難
 超出苦衆生 若有急告者 持誦保安寧
 盡憑生百福 咸契於五行 三魂得安健
 邪魅不能停 五方降真炁 萬福自來并

長生超八難 皆由奉七星 生生身自在
世世保神清 善似光中影 應如谷裏聲
三元神共護 萬聖眼同明 無災亦無障
永保道心寧

老君曰北辰垂象而衆星拱之為造化之樞
機作人神之主宰宣威三界統御萬靈判人
間善惡之期司陰府是非之目五行共秉七
政同科有迴死注生之功有消災度厄之力
上至

帝王下及庶人尊卑雖則殊途命分俱無差
別凡夫在世迷謬者多不知身屬北斗命由
天府有災有患不知解謝之門祈福祈生莫
晚歸真之路致使魂神被繫禍患來纏或重
病不痊或邪妖尅害連年困篤累歲迷墮塚
訟徵呼先亡復連或上天譴責或下鬼訴誣
若有此危厄如何救解急須投告北斗醮謝
真君及轉真經認本命真君方獲安泰以至
康榮更有深妙不可盡述凡見北斗真形頂
禮恭敬
北斗第一陽明貪狼太星君子生人屬之

北斗第二陰精巨門元星君 丑亥生人屬之
北斗第三真人祿存真星君 寅戌生人屬之
北斗第四玄冥文曲紐星君 卯酉生人屬之
北斗第五丹元廉貞綱星君 辰申生人屬之
北斗第六北極武曲紀星君 巳未生人屬之

北斗第七天關破軍關星君 午生人屬之
北斗第八洞明外輔星君
北斗第九隱光內弼星君
上台虛精開德星君
中台六淳司空星君
下台曲生司祿星君

如是真君名號不可得聞凡有見聞能持念
者皆道心深重宿有善緣得聞持誦其功德
力莫可稱量若正信男女值此真經智慧性
圓道心開發出群迷運入希夷門歸奉真宗
達生榮界於三元八節本命生辰北斗下日
嚴置壇場轉經齋醮依儀行道其福無邊世
世生生不違真性不入邪見持經之人常持
誦七元真君所屬尊號喜功圓滿亦降吉祥
即說北斗呪曰

北斗九辰 中天大神 上朝金闕 下覆崑崙
調理綱紀 統制乾坤 大魁貪狼 巨門祿存
文曲廉貞 武曲破軍 高上玉皇 紫微帝君
大周天界 細入微塵 何災不滅 何福不臻
元皇正炁 來合我身 天皇所指 晝夜常輪
俗石小人 好道求靈 願見尊儀 永保長生
三台虛精 六淳曲生 生我養我 護我身形
魁魁魁魁 魁魁尊帝 急急如律令

老君曰凡人性命五體悉屬本命星官之所
主宰本命神將本宿星官常與陰祐主持人
命使保天年凡俗無知終身不悟夫本命真
官每歲六度降在人間降日為本命限期有
南陵使者三千人北斗真君七千神將本命
真官降駕衆真悉來擁護可以消災滅罪請
福延生隨力章醮福德增崇其有本命限期
將至自身不知不設齋醮不修香火此為輕
生迷本不貴人身天司奪祿減算除年多致
夫喪迷誤之者雖遇經訣懷不信心毀謗真
文如此之人身謝之後淪沒三途漂沉諸趣
永失人身深可悲哀自致斯苦若本命之日

能修齋醮善達天司一時於本命限期開轉
真經廣陳供養使三生常為男子身富貴聰
明人中殊勝其有身果薄雖在人中貧窮
下賤縱知本命無力修崇能酌水獻花真心
望北極稽首禮拜念本命真君名號者亦不
虛過本命限期皆得延生注福繫係人身災
厄蠲除獲福無量天師歡喜踊躍作禮讚歎
難可得過無上法橋

老君重告天師曰世人罪福善惡皆屬天司
懺罪消災莫越修奉遇本命生辰告身中元
辰驛馬崩落三災九厄保見今春屬安寧凡
有上士於本命生辰持此真文者外伏魔精
內安真性功沾水陸善及存亡悔過虔恭漸
登妙果重立玄功證虛無道乃得聖智圓通
隱顯莫測出有入無逍遙雲際升入金門與
聖合真身起三界永不輪轉奇量無窮快樂
自在凡有男女於本命生辰及諸齋日清淨
身心焚香持此真文自認北極本命所屬星
君隨心禱祝善無不應災罪消除致感萬聖
十真俱來衛護此文所在之處十真敬禮萬

聖護持魔鬼潛消精靈伏匿世有災殃悉皆
消滅是名北斗本命延生經訣乃修真之選
路得道遠皆因此經證聖成真皆因此經
出離生死皆因此經保護男女皆因此經保
命延年皆得自在永為身寶福壽可稱保而
敬之非人勿示

老君說經將畢龍鶴天仙來迎還於玉京是
時天師受得妙法而作是言普願流行以傳
善士若有男女受持讀誦我當與十戒仙官
所在擁護於是再拜

老君而說贊曰

- 家有北斗經 本命降真靈
- 家有北斗經 宅舍得安寧
- 家有北斗經 父母保長生
- 家有北斗經 諸獸化為塵
- 家有北斗經 萬邪自歸正
- 家有北斗經 營業得稱情
- 家有北斗經 闔門自康健
- 家有北斗經 子孫保榮威
- 家有北斗經 五路自通達

- 家有北斗經 眾惡永消滅
- 家有北斗經 六畜保興生
- 家有北斗經 疾病得痊癒
- 家有北斗經 財物不虛耗
- 家有北斗經 橫事永不起

家有北斗經 長保亨利貞

老君曰善哉善哉汝可宣揚正教福利無邊
普及眾生永霑勝善天師稽首禮謝信受奉
行

太上玄靈北斗本命延生真經

太上玄靈北斗本命長生妙經

開經無上妙品靈章

稽首太上尊 歸命禮北辰 仰啓二尊帝

朝現七元君 經始蜀都出 道爲天人根

消災解危厄 保命守玄真 南陵三十使

北斗七千神 俱來衛法座 同人清淨門

臣今至心誦 道悉自然存

太上老君在永壽元年正月七日下午降蜀都

授與天師張道陵北斗延生妙經未悉其章

復授長生妙訣

太上曰天一生水生自北方故紫微之垣高

崇北辰之宿列爲七元首引倉展尾明

破曜中立文曲以爲天地之樞軸是以北斗

司生司殺養物濟人之都會也凡諸有情之

人既稟天地之氣陰陽之令爲男爲女可壽

可夭皆出其北斗之政命也今見衆生無門

進修真之路無誠向禮斗之科我故哀憫大

闡玄靈汝當諦聽廣布流行使人皆躋仙

阼不蹈輪迴天師再拜喜躍無任

太上曰

北斗之尊 衆宿停輪 運天轉地 去穢除氛

春秋冬夏 生物生人 東南西北 立紀立闡

號曰九皇 北極真君 三台華蓋 司人精魂

七元政令 結人元神 故名本命 始出玄文

衆生釋難 道合乾坤 時時朝禮 身命常存

太上說是王音十方諸天心如水渙一時歡

喜今日欣遇無上法橋天師膝行近

玉座而說偈曰

天地生元氣 靈光聚北辰 紫微開帝座

玄闕列真君 消釋諸凶厄 生成萬類人

大哉文曲宿 幹運道如春

大師說偈都竟仙班回部聖駕復天稽首玄

宮衆生受度也

太上玄靈北斗本命長生妙經

讚詠圓滿靈咒

大哉北極 生物無息 樞機運動 乾坤定立

太上垂教 衆生遇植 消災解難 神目電及

臣今齋沐 上帝可格 克終克始 保家保國

誦誦道言 作是惟一 此經難遇 劫數萬億

既遇之者 請必有得 仁仁元靈 證明功德

五經同卷

傷二

太上說南斗六司延壽度人妙經

太上說東斗主善護命妙經

太上說西斗記名護身妙經

太上說中斗大魁保命妙經

太上說中斗大魁掌算伏魔神呪經

○ 太上說南斗六司延壽度人妙經序

三奏法錄其要錄傳其手卷其全卷若其符書其說

太清境太上老君兩度降蜀之臨邛姓大邑
至于鶴鳴山初授與微士張道陵正一盟威
秘籙二十四階品次授朝拜日月高奔鬱儀
結璘之真訣并三八謝罪滅除黑簿超度玄
祖之文道陵先於中嶽已獲得黃帝九鼎丹
書後始在鶴鳴山隱居遂備藥物乃依其方
法修鍊三年丹成未敢服之乃謂弟子王長
曰神丹成就若服餌之當必冲天便為真人

矣然吾未有大德宜須為國為家除害與利
濟民庶所謂先施勤勞後可服丹即輕舉上
昇臣事三境則吾無愧焉由是果蒙
太上老君親降法駕荐授真文修行十日忽
於一時能內顧五藏外集萬神

太上復遣清和玉女教以吐納清和之炁行
三少九跡交乾履斗呼召九元以齊七政隨
罡之所指立攝伏精邪因吞餌大還尋滅除
小醜至是乃與六天鬼魔戰奪二十四治改
為福庭名之化宇降其帥為陰官置道者令
○ 焚修於是明分晝夜入鬼跡逐又於陵州仁
壽縣降紫十二天游玉女化地作鹹泉煎鍊
為鹽因名其地曰陵郡道陵道之成也至第
三度又蒙
太上降臨授以經籍千軸修行之要道將
傳付有道者令生身受度使求劫長存即與
道陵同遊成都
太上駕龍車道陵乘白鶴頓下五雲至太昊
玉女修大丹之所感地踴玉局座高丈餘
太上登于座中道陵稽首座下老君此時為

說北斗七元經削死延生之法即漢桓帝永
壽元年太歲乙未正月七日也至其月十五
日上元之辰老君又復為道陵說南斗六司
延壽度人妙經耳

此經之要略也其言甚多不可悉錄其要者
太上老君曰南斗六司主延壽度人其功甚大
凡人欲求延壽者當先修其德後服其丹
太上老君曰南斗六司主延壽度人其功甚大
凡人欲求延壽者當先修其德後服其丹
太上老君曰南斗六司主延壽度人其功甚大
凡人欲求延壽者當先修其德後服其丹

太上說南斗六司延壽度人妙經

爾時太上老君於永壽元年正月十五日上元之辰再降於成都太昊玉女修丹之地神復湧玉局寶座於是

老君昇于座中若道陵曰夫九天八會之真

文三洞三清之上道乃

元始天尊昔經歷于七億萬劫天地始終人

倫生死五運遷變萬象興衰而天尊於是冥

居景雲之上上清之境修鍊至真敷敷妙道

愍念蒼生大慈不捨吾昔得傳付是經今當

授之於汝汝宜選奉道之士謹修行之人天

陽地陰一合而生成日月兩曜兩曜行度五

緯周天是謂七政則七星九元北斗也每以

杓隨月建分指節氣二十四氣二十八舍應

下土七十二候三十六禽舍中有斗宿六星

是則號南斗六司與北斗七政分職共理三

才六合八卦九宮總轄中外百辟官品乃紫

微太微兩極都曹也上係十二分次天真靈

神下統十二分野地祇主者四瀆五嶽九州

八紘名山大川城隍社廟中及人民羣類萬

物無不繫其簿籍掌握北斗位處坎宮名同

月曜降神於人名之為魄也主司陰府宰御

水源將濟生聚功莫大焉南斗位處萬宮名

同日曜降神於人名之為魂也主司陽官宰

御大帝將濟動用德莫大焉南有天地迨至

于今二司兩極同共陶鑄萬品生成萬物注

擬天人之爵秩增減士庶之祿俸延促年齡

去留災福莫不由其與奪也所以然者乃知

陽日陰月南北二司魁斗魁綱受性水火稟

質陰陽助天地而育物體道德而垂光物得

而豐也非此而孰能乎人得而生也非此而

孰為乎是故天尊愍愍嗟愍觀爾舍靈一如

赤子開放救護令保生性其救護法使一切

善男子善女人不以高卑皆應至心常行恭

仰於所見時親日曜月曜南斗北斗則鄭重

叩頭請乞祐護願賜恩福上言呼稱

至聖至尊真宰真君於辰凡冗宥赦過咎即

再拜不得懷於輕慢反招殃累

老君曰爾等男女能依吾所授奉教而行者

若有所告請欲消災度厄增福延年保家屬

之團圓祝封疆之寧謐或免息塚訟削死注

生皆當上章投詞設醮求請無不如意也於

是老君為道陵重宣言曰

南斗火官除毒害 北斗水神滅凶災

一切所求皆稱遂 萬般滯悶悉通開

能依經法實心醮 必當隨願契靈章

凡在有清常頂禮 禍厄無因輒敢來

老君曰神真之妙凡世難言凡夫愚昧貴遠

賤近近者身也目見日月星斗耳聞風雷詔

雅鼻嗅爾齋腥臊舌了甘辛酸苦口宣言語

音響呈於手執足行自生及老皆不可離于

水火今凡夫見之若不見聞其言如甚聾殊

不知成立生性實是天地日月星斗與之假

於四大正茲一氣生生之生全繫水火水火

比於道之真體故不可暫離可離而獲存者

非物非人吾今可寧與在世男女說此要道

普令發心求請醮獻知有神真信吾教示更


能於四時月旦八節二十四氣三元三會五

臘奉命是語良時言日皆可上章拜表投詞

獻款請乞恩福謝過懺罪消災然燈獻果供

春拜請其福無量

南斗第一天府司令上將鎮國真君



南斗第二天相司錄上相鎮獄真君



南斗第三天梁延壽保命真君



南斗第四天同益算保生真君



南斗第五天樞度厄文昌鍊魂真君



南斗第六天機上生監簿大理真君



右符六道朱書男左女右佩帶令人長命無諸災害

道言六星真君六星童子火鈴將軍凡人轉誦此經切須至誠虔心禱祝無不應驗唯在精懇拜表上章真聖自降必獲延年長生道性
老君曰此六司真君神性急速能傾心求請無願不從神真感人心隨事皆諧偶也且夫萬行之本一身之根在乎道氣保固形命形命保固在乎教法教法存乎科儀之細密解

發經慮形動影隨形從心移發足動步神靈微妙

微妙

南斗北斗陶魄鑄魂既受鍊乃遷轉生人能依吾教法謝已往之非補將來之短洗滌衆災拜迎百福唯在嚴潔恭敬誓志拔誠必獲度世之仙道與日月之同年若有深信之士能修設兩極二斗同醮一壇各像斗星五壇柱列香燈鋪排淨茅供獻果食可辦餅油茶不須酒脯此最為要道以斯迎請神真真聖歡喜降臨得賜其福祐惟時

老君演此妙經既竟天師道陵及諸弟子再拜禮謝信受奉行

太上說南斗六司延壽度人妙經

太上說南斗六司延壽度人妙經

太上說西斗記名護身妙經

爾時太上老君降蜀都以永壽二年正月七日為正一天師說東斗長生經竟復於是月十五日又降蜀都夜半靈光照數十里平地如水有白玉高臺在空玄之中老君隱几而坐詔正一天師而謂曰吾有玄元大聖西

斗真經乃上天所寶度人無量五天司會靈斗之君天人有命關一不可吾又觀見衆生善惡功過增減死生無不歷關西斗大計之司校錄世人受度之名于屬命數無失毫分

吾所以屢降授汝靈章惟此西斗大計帝君計人善惡書人功過吾今為汝演說流傳世人使汝盡得五天之道天中之文五元之靈飛昇自然普度無窮也

老君告正一天師曰玄元無形窮極者冥大象無為五斗尊靈惟西方大帝主天之柄威猛號令降魔至神典司內外伐戮之事搜察容隱邪鬼之形下記世人有善必錄有惡必記名號散殊生死之限常有八百千萬億輪轉周回照見三塗五苦十地九泉之境凡有

去來必經方會之籍巨管琅篇抄錄群靈受度之名非此不行太玄有命西斗帝君吾見太靈府中謠歌洞文天之所寶秘莫得聞吾今以汝能遵奉大道復為汝說西斗大計之經若能至誠尊敬轉相受誦身得玄籍琅篇

書其功勳上聞諸天天部監授聞奏玄元元之上隨名度世名有善惡行有功過昭然不隱記於玄籍吾今授汝西斗靈音與世流行救度幽冥至真之章普度無窮

老君曰天道常象西斗記名無寂無響玄玄上清太威真帝萬億精神兵金鉞巨天執敢留停殺伐斬滅魔靈妖精吾左有元榮右有玄英招搖豐會統領魔形世人有命干及死生善惡根本如纏如縈飛天神王照吾光明符籍之上毫分叮嚀我有洞章至聖元靈至人得之時至飛昇世人奉之通關元庭冥運真

默大明朗星急急如太上律令

祝曰
虛明神寂 以道為根 上極無上 紫微帝君

真中有靈 玄經正神 萬億神兵 森羅糾紛 昭明威令 總領人身 巨明終始 太皇高真 急急如律令

西斗第一白標真君
西斗第二高元真君

西斗第三典皇靈真君
西斗第四將巨威真君

老君曰凡誦是經必須齋戒沐浴寂默正身西向而立叩齒數四至心望拜先念西斗大

聖帝君二十一遍然後誦經凡有請告醮禳災禍必於本命之日或每月七日九日十五日嚴置壇場高及七尺低及七寸方闊九尺用通帛七尺為檣書

大聖西斗帝君之字標于竿首或羅列珍寶或則種種香花置于壇上或在家庭或在觀宇於中夜中修設淨醮迎拜

帝君有所奏請西望叩頭密誦真經無不應驗長善絕惡名記諸天有聞靈音萬災不干斯經微妙無量度人

太上說經周竟重告天師曰西斗玄真汝盡

得之傳於下世勿輕其文信受奉行斷死續生吾於曜靈七萬年復與於此演說玄極是時
老君垂示畢寂無遺聲若有若無不知所在天師受之傳於世矣

太上說西斗記名護身妙經

太上說中斗大魁保命妙經
爾時秦清境太上老君於水壽年中與正一張天師屢慶會於蜀都以西斗靈文授之以其能修謹來行於是
太上老君復現金身於清虛中升玉局座敷宣正教而又垂言金鉞前戮巨天後刑降伏魔魁孰敢不從執籙把符玉女金童延生保命乘雲馭風生身受鍊度世無窮
老君是時乃宣呪曰
惟彼中央 總領四方 提攝萬象 超卓紀綱
彰善罰惡 琅函玉章 漂落萬鬼 摧折鋒鏑
度世無量 名昭彼蒼 供奉尊禮 掃除不祥
志心奉受 昇天翔翔 急急如律令
中斗第一赫靈度世真君
中斗第二幹化上聖真君
中斗第三冲和至德真君
太上曰凡人持誦是經切須齋心虔禮叩頭閉目一念存神人遊壺廓相見滿度救世延生能消除殃業滌蕩妖氛劫劫長存流行無

疆

太上曰惟有中斗位居五天之中四方拱衛尊大無極主天元炁統領諸天秘文洞章天人所寶吾今告戒丁寧用傳下世濟度群迷為世津梁傳非其人若生忽慢天真不許繼世被殃吾念汝能洗心澄慮嚴潔崇奉孜孜不倦終始一節確守素志可不為汝敷陳叙說此中斗與章正一天師乃稽首作禮諦聽敬受
老君告正一天師曰惟彼穹蒼位處中央端居靜密開列混茫四極輔翼大赫丕光七政璇璣兩曜伏襄統攝萬象提振紀綱嚴校諸天無極神卿三官九署十二河源二十八宿三十二天晉得擁護降福無殃蠲除罪簿落滅惡根東斗主算西斗記名北斗落死南斗上生中斗大魁巍然至尊天人受度曠劫長存三塗五苦八難三逆承茲正教升入金門老君謂正一天師曰中斗之炁生於四斗成始成終造化之源青帝護魄白帝侍魄赤帝養炁黑帝通血黃帝中主萬神無越青天魔

王已元醜伯赤天魔王負天擔石白天魔王
返山六目黑天魔王監醜朗靚黃天魔王橫
天擔力五帝大魔萬神之宗總領鬼兵遑除
群兇旌幢寶仗嚴駕夔龍驅雷掣電周遊太
空金鉞前戮四極歸真高尊之像冲靈帝君
至真大聖端拱圓列精神存想懇禱心願如
得監度延福延生但依經法嚴奉供養於有
災之日或於本命之日或於三元八會之辰
鋪設淨壇以時果名花寶香供養宣告科儀
清淨身心啓請真聖酬謝罪業真聖歡喜益
算延年無願不從九祖生天名籍仙都逍遙
上清

老君告正一天師曰五方所秘靈音吾昔傳
於下世濟度衆生永離沉淪爲世之寶功莫
大焉

老君復告正一天師曰五斗符相靈文五斗
真君名號宿有道緣方得值遇供養尊禮威
烈靈驗善惡災祥應猶影響切在專心無得
輕慢汝宜確守精專敬之戒之勿忘宣布
老君付囑訖乃昇天而去天師頂禮拜謝傳

之於世藏之金匱化度無窮矣

太上說中斗大魁保命妙經

太上說中斗大魁掌算伏魔神呪經

老君曰大道無形常居杳冥聖中之聖靈中
之靈包羅無數含養衆生是以有情者稟識
性者通逆之者死順之者生子欲超升上界
不入幽冥至意齋心且暮誦經誦之百遍魂
魄安寧誦之千遍龍神衛形誦之萬遍伏滅
邪精所願皆得所作皆成降伏惡鬼束縛妖
靈覓我者死聞我者驚慢我者滅敬我者生
誦之萬遍神通自在舉身皆輕所求如意得
駕雲輶朝拜天地位列仙官子孫獲福門戶
興榮世俗弟子若能諦聽吾不誑汝但發精
誠若居郊野或值刀兵或遇災橫之中或陷
圍閉之域或逢虎狼蟲蛇或遭惡鬼妖精一
切恐怖但誦吾經不得高念勿令出聲清淨
齋心至意存誠吾降神兵主消災禍自得福
生一切神名急呼者應十萬天師續命十萬
真人注生十萬金童守魂十萬玉女衛形十
萬天丁喫鬼十萬力士吞精十萬將軍斬妖
十萬金剛縛邪十萬龍王大慈雷公掣電交
橫所逢者吞不問姓名揚波閉日山嶽縱橫

風雷浩浩霹靂轟轟五帝五嶽相從六甲兼
使六丁魔鬼聞之腦裂妖精無處潛形虎狼
忙走白刃不驚誦者志心不得妄輕萬遍道
備自赴蓬瀛大帝之功五帝曹行急急如
太上玄都律令

太上說中斗大魁掌算伏魔神呪經

太上北斗二十八章經

昔漢明帝遊終南山見一女人身著素衣披
髮跣足端然坐石不起帝曰朕為天下此民
之主卿是何人見朕失儀女子答曰吾是
吳天玉皇帝車之臣北極七元掌籍之星君

是何人教吾施禮帝龍顏失色稽首拜謝朕
為此民之主不遇真仙今幸得遇稽首拜
得觀其聖慈采風生有緣即非今日之因伏
願元君慈憫傳付真訣將治身命國家群臣
各各信受伏願元君不惜大端之寶重舉雷
音朕將宣布天下流遍山河萬民同朕遭遇
洪範稽首再拜起身進步以目觀之見雲霧
布頂身足霞采瑞氣騰空五尺七聖居住其
上二官在後
元君曰吾非一聖乃七人也二星官者是斗
中注人間善惡星官名號左輔右弼之星帝
曰七星何名
元君曰一名貪狼二名巨門三名祿存四名
文曲五名廉貞六名武曲七名破軍也

禮念七真聖號

志心皈命禮消災解厄洗罪延生大悲大願
大聖大慈中天北斗七元星君中天北斗中
列聖高真延生保命度厄消災扶衰救禍益
算七官君啓經教主前聖漢明帝君天京本
命元辰伏望洪慈俯垂鑒誦

貪狼星君章第一

是時大道元君語聖明白今若求吾真道治
身治命治國治家心行平等以直中行道天
地鑒之日月憫之星辰佐護鬼神遠退直臣
輔帝民無煩惱四海八表歌樂來朝萬姓無
爭身命增長延齡益算百關調暢使帝命永
固道炁自然

巨門星君章第二

元君語聖明白今若有求吾道法治身於一
日十二時中不失真道使汝身命壽算增延
元君曰若守於道我命在我不在於天若失
於道諸星不佑百禍就起壽命不長諸災自
然

祿存星君章第三

元君語聖明白今求吾道去其財色除却人

我貪嗔尊上念下當以智信為本禮義為先
戒伐生命休貪娛樂帝白朕求道法治家治
身他人亦耳使民無惱不聽非言使君臣不
亂身昌道合萬民自然

文曲星君章第四

元君語聖明曰今求吾之真道即非小緣歷
劫曾從上天今日方遇吾衆星君善哉善哉
萬民後代善利無窮世間豐歉苦樂即非天
曹注也自是人心自造非干天地所注子戒
之邪淫不可亂色即可陰陽正配使道光輝
天地自然

廉貞星君章第五

元君語聖明曰人求真道終日十二時中
使左青龍右白虎各依方位使龍吟雲起虎
嘯風生舌柱上脣叩齒四十九通兩手摩雷
然後使赤牛耕地九市應前朱雀後玄武六
丁六甲在吾左右天丁力士從吾前後獨乘
白龍黃炁透入頂門使顏不老髮不霜凋齒
落再生上朝金闕下覆崐崙使命增延君臣
不亂萬民無爭道炁光輝天地自然

武曲星君章第六

元君語聖明曰夫處世為人民之主志求吾
法賜汝天機之德益汝身命使家國和平人
民無爭壽命增延於十二時中少喜少懼少
樂多苦又於人身四大骨血配之五行金木
水大土五行順萬物生道炁和金木相逆水
火相剋人為之不順使身命不昌道炁不和
家宅不寧災近民矣天地不救亦知為人不
順百禍自然

破軍星君章第七

元君語聖明曰夫求上聖之法亦非難亦非
易只在人之方寸破軍問帝曰還會否帝曰
難可得遇未便會解真仙之說

元君曰圓者方方者圓人身四大有玄妙真
法汝於十二時中左手握右手右手握左手
吐氣九轉大用小火小用水大火用水使
人身體安健百禍不生增善益祿世世生
福壽相承家國清泰道炁自然

大道北元統章第八

大道北斗元君普告人天大衆曰積萬善之

因積萬惡之苦造惡之人常被物使也流浪
生死沉淪苦海若夫行道常為萬物之主不
逐四時凋謝吾使萬物皆空不將萬物圍遠
著物者為之貪嗔如雲霧駛月舟移岸隨玩
物傷人之致明知二法是物外之心不著物
也君臣自樂萬民無苦使國土清靜鬼神恭
敬果木茂盛五穀成熟日月佐之星辰佑之
道炁光輝乾坤自然

北元統章第九

帝問元君曰上仙管籍日夜周遊管之何事
○有多少曾高朕見日夜光明星行自分羅列
星宿未知其道伏願

元君祥雲久駐鶴步停飛神光存照朕若明
上仙之道不忘今日得遇高真勅賜天下官
觀水為宗廟編集道錄

北元統章第十

元君曰吾上管諸天列仙中管五嶽四瀆鬼
神下管地府幽靈鄴郡獄卒三界之中胎卵
濕化盡屬吾管一日一夜萬死萬生貧窮下
賤上下賢愚鬼神劫數長短增延劫殺死傷

docsriver 文川网
入驻商家 古籍书城

在文川网搜索古籍书城 获取更多电子书

獄卒囚徒龍神行雨五穀成敗寡病四民山河水陸皆過北元案中三千六百曹君一日一夜無差天地無私吾惡自然

北元統章第十一

帝又問元君曰三界之中蠢動物類盡是

元君管局朕為人民之主還屬上仙管否

元君曰諸天列仙天羅星帥吾籍管之何况於汝乎况昔當元天主北方天蓬主帥於座

逆想人間異幻一念晚生降下為人之主今忘夙念與聖合真得遇吾東體道之源忽然

清靜道系自然復元本想若將來天福具足功滿德就再遇天蓬仍位天主

北元統章第十二

帝曰朕得

元君容顏喜悅暢哉今日羣臣眷屬盡遇上仙真詮本末謹奉教言十二時中修之萬行再復道源恐有人民如何方法增壽滅罪長

福消災

大道北辰元君曰吾有神力吾有神呪凡有人民危難病苦恐怖冤家私求其便者而又

或是鴟鳴百怪魁魍魎倘值孤魂滯魄及軍陣中亡投河擊頭傷死或是田地呪咀或是天符行病瘟疫侵凌或是生產母子不分或是城隍社廟鬼神不正師巫厭禱妄行逆法作諸不祥又或天地劫數五穀不熟或求名利或求男女之人香湯沐浴於庚申甲子并每月廿十下降之日向北方焚香志誠書吾名字魁魍魎魁魍魎星諸魔自滅百禍自消皆得吉利乾元亨利貞吉祥和平諸鬼若不從者頭破七分初噫呼斬焚急急如律令

北元統章第十三

元君曰一切衆生若古危難病苦四路閉塞無門所出男女眷屬父母親朋或親友故舊或天符時氣各請清醮沐浴散髮跪足於夜半子時面向北方或在中庭書章七封表奏

天曹念吾名字於表上寫吾名字魁魍魎魁魍魎星吾在天曹每一星君有三千六百星官三萬六千神君四直功曹速為上奏

金闕門下諸災厄難纏綿困苦悉皆退散邪鬼磨滅若不信者頭破七段

元君初魔魂滅淹呼斬焚急急如律令

北元統章第十四

元君曰或魁魍魎魁魍魎死魂不散日夜悲啼驚恐作其災禍害人身命掠其血肉驚怖童男童女百種苦惱作亂生人於家清齋沐浴書

吾名字魁魍魎魁魍魎星吾初諸魔自滅百禍自消皆得乾元亨利貞吉祥萬事和平諸鬼若不信者頭破七分初噫呼斬焚急急如律令

北元統章第十五

元君曰或有冤家呪咀埋名禁字卯木作形巫師逆法作諸不祥怪夢顛倒或因田地財帛不明朋友不足恩愛成害或因牢獄荼毒害民官吏抑塞自此之情無由解脫至誠發

心念吾名字魁魍魎魁魍魎星當時道系付身諸難消散吾初天蓬主帥四目老翁八萬天兵力士身長三十六丈搖鈴初力噫呼

斬焚急急如律令

北元統章第十六

元君曰或是國內不寧四方萬耗競起或天地劫數天龍行雨地不成熟五穀饑饉五劫亂世君王開戰賊發火起水深之難五路障閉君臣民俗等眾各發志誠清齋沐浴具朱章七封各奏本情於表章上書吾名宇魁魁

魁魁魁魁星於夜半于時朝吾三三之拜四直使者速為上奏
金關門下諸星判斷吾初差北方天蓬真武大聖四目老翁八萬天兵力士身長三十六丈搖鈴初力嗚呼斬發急急如律令

北元統章第十七

元君曰若有住落鄉村曠野之處或是州縣城郭坊巷被天符行病五瘟徒眾行其毒病七十二疫氣此是吾七元簿籍功曹太歲直年直月直日直時方位州縣行病各有分數或是朝病暮死上下不分死符恐怖無門奏謝若有清淨道侶或是信心男女各各志誠焚香面北朝禮三三之拜念吾名號魁魁魁魁魁魁星四直功曹奏上
金關門下吾初差天蓬帥使四目老翁八萬

天兵力士直到下方收吾五瘟天符簿書速令家察乾元亨利貞和平門利益道飛自然搖鈴初力嗚呼斬發急急如律令

北元統章第十八

元君曰若有信心道眾或是凡民若無後嗣

子孫每過庚申甲子斗真下降本命之日焚香清齋念吾真經及吾名號魁魁魁魁魁魁魁星十二時中香燈不絕時花茶果供養不絕或七七四十九日或一百日便有降祥乾道之喜吾在天曹掌籍詳其分等注生智慧之男壽命百歲無災無障清淨道德佐助人皇又或當綠坤道降生有相之女福德殊勝此乃神力自在初乾元亨利貞急急如律令

北元統章第十九

元君曰或是父母兄弟妻眷男女等人遭枷落獄赴法傷亡或因財色關殺久沉苦趣無由超生或遭生產子母不分死傷無托久在幽冥孤魂不散未過超生沉於鬼趣無有出期念籍信心男女眷屬於其庚申甲子下降之日夜半于時志誠焚香念吾名號魁魁魁魁

魁魁魁魁星陳說披分本情面向北方禮吾三三之拜吾請

金關門下奏章直事四目老翁告示注生功曹注死元辰隨其分數遂素超生搖鈴初力嗚呼斬發急急如律令

北元統章第二十


元君曰或是軍民戰陣各負死力冤牽相撞不能解脫可以清淨齋心去其酒肉五辛披髮跣足面向北方念吾名號魁魁魁魁魁魁魁星吾在天曹勅下天蓬帥使玄武上將軍真武大聖四目老翁天兵力士八萬四千方長三十六丈搖鈴初力嗚呼斬發急急如律令

北元統章第二十一

元君曰或有商人行船過濶其江灘之波難負累財帛或在海中不遇風帆日月不分邪精蛟蜃妖恠鬼神作起障難速書吾名字魁魁魁魁魁魁星及符放在水中吾勅下天兵力士當界地分水神地神河伯水官城隍廟社諸神得力扶持脫離苦難諸魔不信者

頭破七分勅疾速安勅疾速寧勅力噉呼斬
發急急如律令

太上救水難真符



帝勅靈靈 中天七真 神符誥命 入船安寧
急急如

北極大帝律令

北元統章第二十二

元君曰或是在信清淨男女久事齋戒念吾
名字魁魁魁魁魁魁星行吾大法看吾真
經朝拜七七四十九日併良宵或一世及累
劫行正法積陰陽當生上界天曹簿管過其
坊社廟不得頂禮諸神不安亦不敢受令
其鬼神速去千里入地千尺不信者頭破七
分勅疾速噉呼斬發急急如律令

北元統章第二十三

元君啓告帝曰凡人朝元拜法洗滌身心消
滅宿業一切妄想顛倒息心不善見下愚之
輩如掌上之珠見清高之人如眼中之砂或

使心行一切不善或有三世冤親或自心不
善妻眷男女死亡或是自己衣食不充不遇
貴人接引或是家國不寧或為庶民或為他
人或為名利或是埋墳起造修方或是自己
或為妻眷或為國行兵或為父母惡病或是

水火之災及惡人淫亂或被上官責罰一切
諸惡不祥各各志誠清齋行道香湯沐浴素
衣冠裳朱履木簡一尺二寸楠木為葉朱砂
塗之長二尺四寸高七寸七分香爐燈之高
處面向北方志誠望吾宮中直至夜半念吾

名號朝禮三三之拜七月一日至七日七夜
虔心志誠布列香燈稽首
第一朝元三拜起身執簡仰白情意臣啓

北斗元君諸天星宿昭鑒乾坤使一切鬼神
天龍等來善及人民各身道悉長存天地萬
物自然

第二朝元三拜臣啓

北斗元君昔年父母死亡恐墮冥塗地獄
辛苦久沉鬼趣罪掠冥曹未能超生無由報
答天地之恩父母所生恩愛朋友師長教誨

又云父母見在堂上臣伏願

元君上官真炁慧眼遙觀賜臣一報見存獲
福過去超生長親道教永離苦趣

第三朝元三拜臣啓

北斗元君臣值下界凡身凡夫命係上官真
仙管轄四時衣食不足財帛穀米常生虛耗
所作不成恐臣夙生罪業累至今日無門告
謝今生幸遇真仙典教一依科法朝拜伏願
元君賜臣百福千祥萬事乾元幸萬物利貞
臣稽首再拜

北元統章第二十四

元君再語帝曰九月九夜夜半子時朝元拜
法付常皈依吾法及傳教世間化治天下人
民等衆開度餓鬼畜生胎卵濕化等及囚徒
地獄一切苦難係九月九夜注籍罪福此是
北斗帝車高真定其簿書注人衣食福祿貧
富貴賤奴婢雜使等類皆從此月定錄注籍
善惡無差吾說此經教法生靈鬼神萬民四
生餓鬼等衆天下人間國王大臣軍庶一切
等類若依吾法朝拜九夜吾在元宮端詳注

選南方列仙隨願所生定其分毫若求道法
天通開之便應所求若求衣食官爵便得百
福十祿自身遺悉長存萬物自然

九月一日夜半子時朝拜

北斗第一宮中貪狼星君文章業內管三百

六十星官三百六十司三千六百曹官身披

青衣頭戴青冠脚踏朱履手執青簡又有三

千六百童子身著青衣手執青幡持華蓋以

應東方甲乙之木侍右

貪狼星君判斷陽冥臣啓

北斗貪狼星君善注人間生死平等善事國

君萬壽朝臣盡忠人事通和免使徒配誅斬

各各善生善終不昧道心清悉長存萬物自

然其人便得三千六百九十分數功德罪障

漸漸消除急急如律令

九月二日夜半子時朝拜

北斗第二宮巨門星君善注人間長壽業內

管三百六十星官三百六十司三千六百曹

官頭戴黃冠身披黃衣脚踏朱履手執黃簡

又有三千六百童子身著黃衣手執黃幡以

應中央戊己之土侍右

巨門星君判斷陽冥臣啓

北斗巨門星君善注人間平等善事君王萬

壽賢臣佐國人事通和免其徒配誅斬各各

善生善終不昧道心清悉長存萬物自然其

人當得五千一百七十功德罪障消滅急急

如律令

九月初三日夜半子時朝禮

北斗第三宮祿存星君注人間孤寡跛瞎四

民業內管三百六十星官三百六十司三千

六百曹官頭戴黑冠身披黑衣手執黑簡脚

踏朱履又有三千六百童子身著黑衣手執

黑幡以應北方壬癸之水侍右

祿存星君判斷陽冥臣啓

北斗祿存星君善注人間生死平等免見囚

徒死亡孤寡貧窮絕滅不昧道心清悉長存

萬物自然其人當得五千一百功德罪障消

除急急如律令

九月初四日夜半子時朝拜

北斗第四宮文曲星君注人間成敗業內管

三百六十星官三百六十司三千六百曹官

頭戴黑冠身披黑衣手執黑簡脚踏朱履又

有三千六百童子身著黑衣手執黑幡以應

北方壬癸之水侍右

文曲星君判斷陽冥臣啓

北斗文曲星君善注人間生死餘事平等免

見淫亂成敗囚徒死亡絕滅不昧道心清悉

長存萬物自然其人當得三千三百功德罪

障消滅急急如律令

九月初五日夜半子時朝拜

北斗第五宮廉貞星君功曹掌事大星業內

管三百六十星官三百六十司三千六百曹

官身披緋衣頭戴紅冠手執朱簡脚踏朱履

又有三千六百童子身著緋衣手執紅幡以

應南方丙丁之火侍右

廉貞星君判斷陽冥注人間風火之事臣啓

北斗廉貞星君善注人間生死之難免見囚

徒消解火殃保安郡邑使家無枉現人得安

康次願神明護門公私兩利更乞常逢好事

不昧道心清悉長存萬物自然其人當得三

令 十三百功德一切罪咎悉皆消滅急急如律

九月初六日夜半子時朝拜

北斗第六宮武曲星君注人間金銀五穀財帛案內管三百六十星官三百六十司三千

六百曹官身披白衣頭戴素冠手執白簡脚踏朱履各執文簿又有三十六百童子身著白衣手執白幡以應西方庚辛之金侍右

武曲星君判斷陽冥臣啓

北斗武曲星君善注人間財帛善利他人莫

生毒害免見囚徒死亡交雜上望斗真賜福

本命降祥永祿增崇元辰共護仍乞神此不

昧道心清炁長存萬物自然其人當得二千

四百功德罪障消滅急急如律令

九月初七日夜半子時朝拜

北斗第七宮破軍星君注籍人間傷暴誅斬

囚徒案內管三百六十星官三百六十司三

千六百曹官身披白衣頭戴素冠手執白簡

脚踏朱履又有三十六百童子身著白衣手

執白幡以應西方庚辛之金及天上地下人

間五行造化生旺所屬星宮舍次之分流布

禱祥侍右

破軍星君璇璣玉衡斗樞之府判斷陽冥臣

總伸奏啓

北斗破軍星君天罡大聖法王天君內垣帝

座尊星君外垣台輔壽祿君延生保命君度

厄消災君扶衰散禍君益算冲和君七元將

軍九官天后先乞赦臣夙生今世千級萬罪

次乞開度租福先亡冤親滯爽願臣不經苦

惱與善因緣萬災不干精靈伏匿所求者得

所向者吉再惟

破軍宮下善注人間傷暴囚徒牢獄死亡衆

厄不侵仍乞天庇不昧道心清炁長存萬物

自然坐賈行商公私萬吉後昆昌熾元亨利

貞其人當得三千八百功德急急如律令

九月初八日夜半子時朝拜

北斗第八宮左輔星君判斷陽冥注籍人間

奴僕案內管三百六十星官三百六十曹官

各執文簿掌天下僕馬命官生死分數臣啓

北斗左輔星君善注人間奴僕之事免見囚

徒死亡願不失人身清炁自然萬事和合

九月初九日夜半子時朝拜

北斗第九宮右弼星君判斷陽冥注籍人間

奴婢案內管三百六十星官三百六十曹官

各執文簿掌天下婢使命官生死分數臣啓

北斗右弼星君善注人間婢使命官免見囚

徒牢獄生死不失人身清炁長存萬物自然

萬事和合

右奉

上帝命降吾勅牒起天符都天元帥授事真

君十二年分行病鬼王東方甲乙木精五瘟

鬼衆南方丙丁火精五瘟鬼衆西方庚辛金

精五瘟鬼衆北方壬癸水精五瘟鬼衆中央

戊己土精五瘟鬼衆天下雜使行病鬼神二

十四炁神王七十二候鬼王盡洞淵三昧所

掌行病鬼神等衆或五行金木水火土之候

金木相剋人民受誅斬徒配水火相剋人民

受暴死虎狼所傷水土相剋人民受黃病瘟

死以火燒之吾勅此鬼使逐年逐月下降各

分州縣隨方逐家道觀僧寺察錄罪福不行

善法使大雷霹除以火燒之以水溺之或是仕官或是富豪不積寸善常行惡毒不明賢良或是官吏獄卒里首人等增加王法將惡凌善呼天不聞官長不明不行其善者吾初四目老翁搖鈴斬孽吃統領五瘟徒來往來

下方若不信吾法輕慢笑辱者磨滅死絕元君再語帝曰此之九月九日九夜遇夜半子時若人至此月此日自身合家清齋行道清潔素裳冠履百和名香砂素表章奏拜三三之次各隨願所陳披宣吾在七元宮中端

目視之天官金闕門下有左右年直月直日直時直天一真官天官直事獲時與此人合奏何事披露何言疾速判斷善惡定其分數生人增加壽筭福祿自然子孫孫代代相承亡者生天出離苦趣受生善道若求名利隨其高下若雪冤讎送冥府泰山府判送連報司對照天地無私若有一王朝斗蓋之一國四方寧靜八表來朝五穀成熟果木茂盛萬民無爭乾坤祐之星辰恭敬若有清靜道心朝斗蓋之坊境無諸魔難此人虔誠積功

朝拜一二三年二九之年九玄七祖超生善國見存獲福若有不信吾法者頭破七分絕其命根

北斗付囑章第二十五

上士忘形求道之真道之玄妙主極天下隨機而化以應精龜折形視物言其吉凶天降甘雨普濟萬物利世濟人不言而至天地包育萬物故云上士求道也中士求道貪其名利外學也委其火宅貪其娛樂被物所轉終身之苦禍及子孫飲食著水太過天地費工三司配下致使貧窮累世受苦生生世世死入冥塗無有出期故云中士求道也下士求道將道為門貪財貪色口談今古心知昧行貴求衣食昧道之源流浪生死沉淪苦海三司配下冥曹隨作牛馬之身轉轉生生死入輪迴永不過其正道善業不聞故云下士求道也

北斗付囑章第二十六

大道北斗元君重告帝曰吾在天宮遂季逐月下降之日統領諸天列仙及四目老翁十

二時辰四直使者同到下方檢點王臣州縣官僚士庶僧尼道俗及諸山林杜廟鬼神河伯水官天地山川江河淮濟木樹精靈山巖石穴橋梁古木年深成精作諸魍魎怪魅及諸般蛟蜃食生人血害生人命及人住宅塚

墳并修方起造坐官作向有犯天星地宿并一切人民心行一切善念大道之意行於平等救護貧苦給濟衣食一切病患給以湯藥推問當界神王杜令住宅土地司命竈君七十二禁忌之神住宅人口善男信女老幼尊卑童叟童婢或外人寄居發心朝元恭敬吾斗之法其人當受衣食無窮壽命延長不見刀兵惡事及一切患苦賜增一萬一千八百功德常得善星擁護其住宅當界一切龍神亦受三萬二千功德八萬八千祿位超出鬼趣得生上界天邑天宮受人天快樂轉於屋官真君之位凡修方注祿坐官作向大獲安寧隨心所應天神護祐又有國王大臣文武官班見聞北斗付囑之法心生恭敬遙空望斗朝元乞保家國安寧之賜又有生民合家

眷愛齊心信受沐浴身心虔誠朝元便得天
曹注福地府落名南斗注生元辰共護天地
水府三官大帝三府群真同舉具奏北極大
帝積功等數奏上

三天吾北府斗樞當差四目老翁領下三千

六百業局具錄進奏

昊天金闕玉皇大帝吾親奏受平等注生
真君之位共治下界生民除諸惡毒之氣見
存眷愛萬靈護祐子孫孫除災降福真實
不虛或有生民不行善道秤尺升斗不乎心
行暗毒廣造惡業謀害善民百靈落籍滅除
福祿壽命善籍注罪送入地獄永失人身流
浪生死難遇超生若出入中六根不具足及
受諸苦惱精神暗昧衣不蓋形食不充口或
受囚獄困苦連綿之危難

元君復告帝曰一切生民心念行善善果之
報心念行惡惡緣之報大道之語真實不虛
若不信者吾使逆法治之勅差天中五雷使
者滅隨籙籙絕勅差五瘟大憲行化惡病絕
勅差南方炎帝烈火星眾焚蕩絕吾於每年

逢季逐月下降巡轉分野國郡州縣鎮場管
界王神社廟住宅龍神司命較量一切善惡
四目老翁檢點城隍土主里域靈祇及九州
社令十洲社官司命錄籍諸神逐月逐時抄
錄人間善惡具奏天曹禍福無私又有正月
二十五二十六日二月初三初七日三月念
三念六日此三月係春季行天雷天火燒之
五瘟時氣病之死絕若學道求真心無二行
吾當注福延命四月十七二十七日五月初
五十三二十日六月初四初八日此係夏季

分龍行雨隨行抄錄善惡輕重積善者十倍
全收積惡者減尅四分七月初四二十四日
八月十一十九二十七九月初三十八日
此係秋季收掠人間五穀分數善惡等分注
簿抄攬增減禍福分毫無私十月初十二十
六日十一月初一初九十七二十五日十二
月二十日此係冬季檢校四天下人民善惡
陰隲而又十二月三十日夜半子時舊年太
歲交換新年太歲點對方位三煞十二禁忌
若有志心不抱高下貴賤陰開鬼神道畜生

道或地獄道或女人欲轉男子身或在床枕
久病或被惡人道路劫掠或被冤人執鞭或
被官災橫禍或被隣里謀執或被獄囚日久
無門得放或遭五瘟行病或被巫師呪詛或
兄弟不和或夫妻不順或為名利牽纏或無
男女或在惡道之中不仁之所或被蛟蜃之
難或修方有悞年月日時坐官作向有犯凶
星惡煞或行兵入陣一切不明之事至
斗真下降之日清齋志誠焚香朝拜面向北
方一心恭敬分申請款吾管業分仙曹靈官
度量善惡等分輕重除災降福如業力重者
陰罪降之恐墜人身若善力高者吾當注一
萬五千八百善利道業清靜功德完成吾斗
府真仙部東面奏
昊天金闕玉皇上帝乞降勅旨符命頒行天
蓬大聖主帥真武佑聖帥將及四目老翁神
通眷屬部眾各化法身三十六丈無時奉勅
救護生民不敢違令吾說此經開濟存止兩
道令死者寃者各遂超升今生者善者同增
福壽若學仙道早得仙名此是誦經朝元禮

斗大感應者也若有鬼神不信違吾語者頭
破分裂應滅魔族吾勅力斬登急急如律令
北斗付囑章第二十七

元君復告帝曰若於來世當證高真上仙之
位天蓬大帥吾勅賜摩頂聖明合受一萬八
千善利清靜道行上妙功德廣揚吾法治教
人間生民利益皆由聖明大種福田
元君讚經曰

家有北斗經 家國自安寧
家有北斗經 壽命自然長
家有北斗經 亡者得超生
家有北斗經 官災不能成
家有北斗經 五穀自成熟
家有北斗經 百怪不能侵
家有北斗經 更夜自然安

北斗付囑章第二十八
元君曰吾今一一賜與護持凡此實語過勝
金玉

昊天玉皇上帝之法祥瑞章句光如日月明
如星斗吾今賜與將治人間願凡夫人人各

歸善道願箇箇返本朝元又語帝曰善護人
民永為天地山河教法作主通世流布不昧
其功前章一一乃為分別更無虛也吾眾今
奉

上帝勅宣來詔吾眾更不久住各返仙都凡
此經典不得輕慢須潔淨焚香至誠身披道
服素裳一心看禮如對吾面而宣是時帝聞
語已稽首再拜奉辭

聖駕還返仙官大漢明皇聖主當時勅下省
部直送郡邑名山福地道觀抄錄傳授人天
信受奉行

太上北斗二十八章經

七經同卷

太上老君說救生真經

太上老君說消災經

太上太清天童護命妙經

太上太清皇老帝君運雷天童隱梵仙經

太上老君說安宅八陽經

太上老君說補謝八陽經

太上說十鍊生神救護經

太上老君說救生真經

爾時

太上老君與八千徒眾在紫微宮中瑠璃七
寶殿上廣說妙法讚歎世間中國男子女人
光如日月持齋存念真經所有非災橫禍盡
乞消除廣布受生延年益算千寃和釋萬惡
潛藏災害不生禍亂不作罪障消沉福祥臻
集爾時

太上老君敕令六甲六丁守護受經之人常
使永無殃咎疾病不侵四時平善八節康寧

太上老君敕令六甲六丁守護受經之人常
使永無殃咎疾病不侵四時平善八節康寧

盜賊潛藏妖怪伏匿念誦此經一七徧至二七徧乃至三七徧功德無量慕道皆成常令耳目聰明身強體輕爾時

太上老君說此真經救生保命永無災障生遇道世世逢真若能抄寫此經受持供養永保平安壽算延長咸仰皈依信受奉行

太上老君說救生真經

太上老君說消災經

老君以庚寅年四月二十八日丙午與諸天大聖俱坐碧霞之殿五雲之座真仙侍衛無鞅數來建節捧香羅列左右一時同會即召天仙地仙五嶽衆仙天仙三十六皇主地仙二十四皇主神仙十皇主飛仙大聖衆又別國主上仙三十六萬人中仙二十五萬入下仙十四萬人八大龍主八大鬼主八大畜主三五之君二十四性主皆來集勅勒天都錄事地都名字即使攝錄天下邪魔惡鬼魘魅魍魎盜賊虎狼及橫官口舌兵戈水火疾病災害急厄患之者莫問男女皆當香湯沐浴齋戒然燈燒香禮誦此經若家有衆魔野盜精邪疾疫急厄難之時當呼三十六金剛二十五神王二十七力士三十七天師凡此金剛神王力士天師等名號者皆主知萬病災變吉凶好惡悉皆自由也若有善信男女能長齋燒香禮誦此經功德無量所有千災萬病惡逆盜賊虎狼一切病難自然消滅天尊降福覆護其所向從心無不獲福家

門安泰子孫隆昌修習之人皆致靈感輕慢之者禍及九祖令可告男女令知報應皆得利焉

- | | | | |
|------|------|------|------|
| 元炁金剛 | 混沌金剛 | 總領金剛 | 萬兆金剛 |
| 捉鬼金剛 | 部錄金剛 | 收炁金剛 | 好生金剛 |
| 鎮守金剛 | 去邪金剛 | 保命金剛 | 守形金剛 |
| 守炁金剛 | 行真金剛 | 除穢金剛 | 除邪金剛 |
| 破惑金剛 | 上奏金剛 | 下衛金剛 | 上明金剛 |
| 保身金剛 | 長生金剛 | 變化金剛 | 清定金剛 |
| 定身金剛 | 朱雀金剛 | 玄武金剛 | 大聖金剛 |
| 成道金剛 | 天道金剛 | 地道金剛 | 神道金剛 |
| 火頭金剛 | 威怒金剛 | 大力金剛 | 滅魔金剛 |
| 天大神王 | 地大神王 | 王大神王 | 元素神王 |
| 素生神王 | 陰德神王 | 鍊炁神王 | 鍊精神王 |
| 鍊生神王 | 開化神王 | 造化神王 | 真道神王 |
| 神道神王 | 護身神王 | 破邪神王 | 執正神王 |
| 破夷神王 | 破賊神王 | 覓鬼神王 | 斬鬼神王 |
| 速行神王 | 安身神王 | 殺鬼神王 | 食魅神王 |
| 捕精神王 | | | |
| 除毒力士 | 除佞力士 | 破怨力士 | 破迷力士 |

開通力士	消災力士	散禍力士	解厄力士
消魔力士	把攬力士	領鬼力士	收鬼力士
收邪力士	抄錄力士	定文力士	定罪力士
上奏力士	對君力士	奉承力士	天顯力士
地廣力士	攝邪力士	破軍力士	征伐力士
攝神力士	橫天力士	食精力士	
啓元天師	道光天師	開化天師	進仙天師
重光天師	朗清天師	清定天師	定邪天師
收鬼天師	制魔天師	斬鬼天師	啓天天師
部錄天師	上奏天師	除死天師	定生天師
保護天師	普濟天師	濟厄天師	救死天師
護生天師	度命天師	度人天師	好生天師
好善天師	變化天師	神妙天師	皇上天師
萬福天師	至極天師	王辰天師	上聖天師
虛皇天師	無量天師	明皇天師	洞深天師
普攝天師			

邪風或祭祀鬼神如此等類罪由轉感無知穢俗背正信邪故受考對萬劫無明千劫受罪乃得還生畜生之類非人之形任他役使不可思議死經地獄無有還期其罪深重不可盡言如此之人縱得受生恒遭疾病貧窮苦厄無時安靜官府所刺衆人所害年命短促死入長夜冥冥地地下人所不知百劫受罪乃得返人之形若能洗心易行而得生也若迷而不迴者而近於死也將以長處惡道無由重生也今重告子明慎之焉是時諸真大仙歡喜踊躍稽首而作頌曰

道言甚微妙 普濟度天人 習者皆成道 背者悉殃身 此經能消災 蕩穢絕蒼塵 衆生無智慧 違者信邪神 死入寒氷苦 受罪甚艱辛 迴心歸正道 方可受真身 一心歸仙路 乃得度天津 永享無期壽 分形百萬真 九幽長披散 七祖離冥津 自然天厨食 皆賴聖皇恩 靈歌唱玄路 萬劫保清真 隨世人入度 三真應聖皇 五方而靜默 道法漸時光 似如人半日

妖魅入心藏 陰陽或衰感 百姓並飢荒 真人將去世 混雜實難當 潛龍欲重起 閉目在幽房 狂人顛倒業 不久自遭殃 沉淪地獄下 痛毒被刑傷 皆由心邪見 致使受熾性 全剛令上道 威力破迷荒 行歌而交泰 至道永開張 風調而雨順 五穀滿盈倉 四方皆賓伏 麟鳳自呈祥 明君時有道 萬劫保年長 老君謂尹喜曰此經尊貴乃衆仙得真之要也子今受吾之要直須精專內自保之勿示非人唯學仙道士及善信男女此可依經傳受明宣道法今深慎科戒勿使失時今重告子曰不得妄傳吾言甚祕宜慎之焉喜即稽首跪拜受經是時諸真衆仙聞說經畢退席恭敬侍立俄頃有諸仙駕浮空而下无鞅數衆各捧香花持符執節來詣道前一時稽首奉請

老君還玉京

老君於是歡喜臨駕重謂喜曰吾當上昇矣子受此經必成道矣喜即恭然悲涕俯伏禮

謝忽夫其所在唯聞音樂震動山川因仰面
視諸龍駕雲悉旋逸五色鮮明世之莫識須
史漸遠隱而不見矣

太上老君說消災經

第四

六

太上太清天童護命妙經

三茅山道者梁悟真受

太上曰皇天生我皇地載我日月照我星辰
榮我諸仙舉我司令與我太一任我玉宸君
我三官保我五帝衛我北辰相我南極佑我
北斗輔我金童侍我王女從我六甲直我六
丁進我天門開我地戶通我山澤容我江河
渡我風雨送我雷電隨我八卦尊我九宮通
我陰陽宗我五行符我四時成我我命著我
太清玄籍三官升降上下往來无窮无息金
飯玉漿向求皆至虛梵日月與天為誓魑魅
魍魎魁魍魎星所求皆得所向者亨所為者
合所欲者成種種變化與道合真何神不使
何今不行我前有朱雀後有玄武左有青龍
右有白虎上有華蓋下躡罡罡神道光嚴威
鎮十方愛我者生惡我者誅謀我者死憎我
者亡靈童神女破邪金剛三十六百常在我
傍執節捧符與我同遊太上攝京天大吉昌
二十四符與星曆俱急急如律令

太上驅邪治病靈符

第四



太上太清天童護命靈文乃

金闕上真授付修道之士及世間男女若
能每日清朝念此經三遍至七遍乃至百
遍即有十方靈寶无上仙衆三元將軍翊
天四帥真君飛天神王破邪力士統領神
將吏兵各千萬億守衛誦經者常令安穩
金精猛獸無殃外護百鬼不能侵邪魔不

敢害可以破廟除邪可以治病消災旦夕持誦令人耳目聰明身強體輕延年益壽永保長生兼書篆此靈符二十四道佩帶則驅邪吞服則治病常以甲子庚申朱書唯在志誠佩而行之

太上太清天童護命妙經

隋大業十三年老君遣霍山神預告唐公受命之符至高祖武德元年二月二十三日有老人鬚髮皓白素衣烏冠乘白馬驥尾及蹄皆赤現晉州羊角山謂絳人吉善行曰與我語大唐天子今得聖治社稷延洪言訖騰空而去其年四月二十七日復現如前但未審將何為信老人曰汝到京有獻石龜者可為驗言訖不見善行以五月五日見晉州總管賀孝義具言其事孝義將善行見秦王王討賊駐節於晉遂差都督杜昂與善行於所現處致祭老人復現如善行所言秦王令昂與善行馳驛入奏五月十九日到京於朝堂門見邕州治中張達進石龜上有文曰天下安于孫興

千萬葉千萬歲乃同入奏果符前驗高祖大悅勅於現處立廟善行復見老人曰天子疑我何事答曰為不知聖者姓名老人曰我是无上神仙號曰老君即帝之聖祖也亳州有枯檜再生以驗天下太平善行即告孝義奏聞又於其年十二月七日老君於廟復現為善行曰我亳州廟中枯檜已更生唐得聖治子孫當享國綿永已遣神兵百萬待四月節助國討劉黑闥即馳入奏至次年四月二十一日果平黑闥於

是天下大定而枯檜果更生焉改羊角山為龍角山以廟為慶唐觀至高祖龍朔間老君復現依狀圖馬號為瑞像今本觀正係天下第一地肺福地高辛時展上公得道昇仙晉有許長史披尋其地建宅修真父子得道俱已仙去丹井存高梁有陶隱居追尋其跡而建昭真臺纂集三洞四輔靈文唐開元間李玄靜先生為玄宗度師請于朝賜以金帛即昭真臺基而立瑞像殿逮今幾五百年而殿宇瑞像皆唐人所

造為古道場甲於茅山也本朝大觀三年四月十三日有執轡道者梁悟真凌晨汲水於殿前養龍池俄有紫雲彌覆其所須臾見一羽衣庵眉皓首長髯如雪乘白馬自空而下梁驚視其狀與殿中梓容無異

梁急作禮伏地太上曰吾居太清境上偶降靈壇憐汝服役勤勞有志於道而一無所遇今授汝加句天童護命妙經當專心誦之立功行於世道將為汝得矣梁拜受慈訓仰觀聖真復乘馬嘶鳴凌虛而去是歲其地產芝草一本數莖梁自此却粒神觀頓異平時庸愚未嘗識字至是能書誦經靡不通曉示人災福歷歷如神而梁仙去前三日書二十四符投池中凡有疾之人入山求水服而愈者不可勝數奉道之士晨夕崇奉凡有所求虔心祈禱無不感應嘗讀混元聖紀故錄示像之因并顯應之跡以告來者紹興甲子茅山都道正明真通微大師傳書謹書